



AMNESTY INTERNATIONAL DEKLARASAUN PUBLIKU

Index: ASA 57/XX/2014
15 Jullu 2014

Timor-Leste/Indonezia: Governu tenke estabese lalais destinu ema sira ne'ebé lakon

Deklarasaun konjuta hosi Amnesty International no ANTI (Aliansa Nasional Timor Leste ba Tribunál Internasional)

e-mail: lanarra.del@gmail.com, atino@laohamutuk.org ka moniz@jsmp.minihub.org

Amnesty International no ANTI (Aliansa Nasional Timor Leste ba Tribunál Internasional) apela ba Governu Indonezia no Timor-Leste atu estabese lalais Komisaun ba Ema Lakon ne'ebé rekomenda hosi koperasaun bilateral-ne'ebé patrisionadu hosi komisaun verdade tinan neen liu ba kotuk.

Kontinuasaun adiamentu hosi governu rua atu estabese destinu no ezistencia hosi sira ne'ebé lakon durante periodu okupasaun Indonezia (1975-1999) no iha kontestu referendum ba independensia iha 1999, kontinua subliña la iha vontande politika atu kontra impunidade no hanaruk sofrimentu vítima sira no sira nia familia.

Komisaun Verdade no Amizade (CTF) harii hosi governu Indonezia no Timor Leste iha tinan 2005 atu “estabese verdade konkluzivu relaciona ho insidente sira antes no imediatamente depoisode konsultasaun popular iha tinan 1999, ho vizaun ida atu promove rekonsilisaun no amizade, no atu asegura non-repetisaun insidente hanesan”. Iha 15 Jullu 2008, Komisaun publika ninia relatóriu finál, ne'ebé konklui katak Indonezia responsável ba violasaun direitu umanus ne'ebé komete iha 1999.

Mandatu CTF la kobre kompletamente violasaun direitu umanus inklui omisidui ilegal, halakon ema ho forsa, tortura, no violasaun seksual no forma violensia seksual sira seluk ne'ebé komete hosi forsa seguransa sira no sira ninia aliadu sira durante okupasaun Indonezia (1975-1995). Masiumenuz ema besik nain 18,600 mak hetan oho ka lakon iha Timor-Leste entre 1974 no 1999. Liutan, fiar katak labarik rihun barak mak lori ba Indonezia durante períodu ne'e sein konsentimentu hosi sira nia inan-aman ka iha koersaun nia laran.

Rekomendasaun save ida hosi relatóriu CTF 2008 mak governu Indonezia no Timor atu servisu hamutuk atu estabese destinu no ezistencia hosi ema hirak ne'ebé lakon no sira ne'ebé halakon atraves hosi estabese Komisaun ida ba Ema Lakon nian.

Komisaun Akollamentu, Verdade no Rekonsiliaun (CAVR), iha tinan 2005, mos rekomenda katak governu rua ne'e foti medida atu estabesele destinu no paradeiru hosi ema hirak ne'ebé lakon no sira ne'ebé halakon forsadamente. Iha Outubru 2011, Dekritu Prezidensial, No. 72/2011 aprova hosi autoridade Indonezia kona-ba Planu Asaun ba Implementasaun Rekomendasaun CTF. Mesmu nune'e, Komisaun ne'e seidak deit estabesele.

Amnesty International no ANTI hatene katak iha dadaun ona reuniaun bilateral entre estadu rua ne'e kona-ba rekomendasaun CTF no diskusaun kona-ba harii grupu servisu tekniku ida atu implementa rekomendasaun sira ne'e. Alende ne'e, iha dadaun ona iniciativa atu reuni labarik Timoroan sira ne'ebé separa ho sira nia inan aman iha tinan 1999. Mesmu nune'e, ami preokupa katak too ohin loron, prosesu tomak falta transparensia no organizasaun naun-governmental sira iha Timor-Leste la hetan konsulta ka fornese informasaun adekuada.

Ami ejize ba governu rua atu halo konsultasan kompletu ho ema hot-hotu ne'ebé interesadu iha prosesu ne'e, inklui organizasaun sosiedade sivil, vitima no sira nia familia no defensor ba direitu umanu sira kona-ba estabementu Komisaun ba Ema Lakon. Alende ne'e, Komisaun tenke la bele foka deit ba ema sira ne'ebé halakon forsadamente iha kontestu referendum iha tinan 1999, maibe inklui deskobre destinu no paradeiru hosi sira ne'ebé sujeitu ba lakon forsadamente durante periodu okupasaun Indonezia tomak (1975-1999) hanesan rekomenda hosi CAVR no Grupu Traballu ONU nian kona-ba Dezaparesimentu Forsadu ka involuntáriu iha 2011.

Amnesty International no ANTI mos repete fali ami nia apelu ba vítima violasaun direitu umanu sira no sira nia familia atu hetan reparasaun kompletu no efetivu hodi hatan ba prezuiju ne'ebé sira sofre entre tinan 1975 no 1999. Relasiona ho ida ne'e, ami nia organizasaun apela ba Parlamentu Nasional Timor-Leste atu hapara adiantu ba konsiderasaun kona-ba esbosu lei rua ne'ebé apresenta ona ba parlamentu desde 2010 atu fornese programa reparasaun nasional no "Instituto Memoria Publiku" no asegura katak lei sira ne'e harii tuir padraun lei internasional sira. Governu Timor Leste mós tenke buka reparasaun kompletu ba vítima sira hosi governu Indonezia ne'ebé sira responsavel, inklui kontribuisau atu finansia programa rua ne'e. Nune'e mos tenke buka kontribuisaun hosi comunidade internasional sira.

Governu rua ne'e tenke mós ratifika Konvensaun Internasional kona-ba Protesaun ba Forma hot-hotu hosi Dezaparesimentu Forsadu, inkorpora ninia provizaun sira ba iha lei nasional no implementa ba iha politika no prátika atu asegura katak krime sira hanesan ne'e nunca mais komete dala ida tan ho impunidade iha Indonezia ka Timor-Leste.

Amnesty International no ANTI fiar katak esforsu atu fo efeito ba vitima nia direitu ba verdade no reparasaun tuir loloos la substitui responsabilidade hosi governu rua atu asegura katak responsabilidade ba krime kontra humanidade no krime sira seluk tuir lei internasional ne'ebé komete durante okupasaun Indonezia lori ba julgamentu ne'ebé tuir padraun internasional kona-ba justisa sein pena morte.

Maske nune'e, esforsu atu lori responsaavel sira ba justisa atraves hosi iniciativa ONU no tribunál *ad hoc* iha Indonezia la adekuada teb-tebes no maioria sira ne'ebé alegadu komete violasaun kontra direitu umanus no violasaun direitu umanus grave

sei lae livre hela iha Indonezia, fatin ida ne'ebé seguru hosi akuzasaun. Ami nia organizasaun fiar katak responsabilidade atu hatan ba krime tuir lei internasional la'os deit iha Timor-Leste, maibe ho comunidade internasional.

Tanba ne'e, ami ezije ba comunidade internasional atu asegura katak sei la iha impunidade ba krime kontra umanidade no violasaun direitu umanus grave ne'ebé komete durante períodu okupasaun Indonezia no atu kontinua apoiu pedidu hosi organizasaun sosiedade sivíl no grupu vítima sira iha Timor-Leste ba justisa, verdade no reparasaun ba krime sira ne'e.